

地理全志

新平州

好學

PDG

大英國志

大英一名英倫、又名英吉利、在歐羅巴西北、強大之國也、
緯線自赤道北五十度起、至五十八度半止、經線自中華
北京偏西一百十五度起、至一百二十七度止、東界北海、
西南北均接大西洋、地分三土、迤東兩土相連、南曰英倫、
北曰蘇格蘭、西一島曰阿爾蘭、島嶼迴環、氣候溫和、時時
更變、或重霧迷漫、或陰雨溟濛、四季皆然、不能雨暘時若、
終歲寒日居多、雖盛夏未嘗有酷熱、冬則飄風霜雪、春林
花嫣然、風景極清、地利不一、農勤稼穡、收穫殊豐、

民性醇良、好禮義、崇儉讓、男體健壯、女多殊色、膚潔衣整、
室廬峻廣、樓有數層、上蓋以瓦、內外俱以粉堊、或飾以花

紙地佈氈毼，不染纖塵，玻璃爲窗，明淨無比。憲垂帷帳，入室殊覺美麗。男女往來，守貞不亂，娶聘自擇，少艾性情相投。然後稟父母，結爲姻婭。男不得娶二女，犯者徒流。孩提幼少時，入塾攻書，不獨男習文藝，可登仕版，卽女子亦日觀詩書，養道修德。書畫針黹，無不精明。男或爲匠農，或學商賈，專習一事，用志不紛。因是民盡聰明，天文、地理、數學、格物、致知、通達事體，醫必考試，得選方許治病。訟師學律法，亦然。畫師畫山水，繪人物，皆以肖真爲貴。黽勉不倦，技藝精巧，織布以鐵機激之，火輪關捩，自能運動，故工省價廉。織造多用火輪，能者推廣其法，造火輪船車，鎔鐵爲汁，而作通衢，約五萬里，以速其行。每時可行三四百里，凡往來於其道者，每歲約有五萬萬人，其外別有程途寬廣，以便商客舟車往返。又以鐵筒收燒煤之氣，達於各家，電光沿路勝於蠟油多倍。至於木棉，從印度、亞美利加轉運，織造盛於天下。商賈輻輳，貿易繁盛，大船航海者，約有三萬七千商艘，製造等物，歲值銀十二萬萬，田所產者，歲值銀三萬五千萬。游牧所出者，歲值銀二萬四千萬，多奉耶穌之教，其天主教、阿爾蘭奉者十之七。

至於朝綱國位男女胥得臨御惟以長幼爲序國制有相
二人一理內一治外此外大臣或司帑藏或司出納或權
貿易或聽訟獄或掌璽印或攝印度之政或統水師之事
各有其佐匡勸都城有公會二一曰爵房爵位貴人四百
二十有五耶穌教師之最尊者三十處之一曰薦紳房於
庶民中推有才識者六百五十八人處之有大事王諭相
相告爵房聚眾共議參決可否然後諮之薦紳房必輿情
相協始布之政否則寢其事勿論民間欲興利除弊必先
陳於薦紳房酌覈旣妥然後上之爵房可行則上之相而
聞於王否則報罷民間控訴亦如之爵房分三品一曰五爵
二曰紳士三曰鄉民五爵惟長子得世襲紳士爲府邑選
之代民供職皆無俸祿教士尊者等於五爵中者塾師學
三國方言通經能文精歷法明測驗推步然後可以教
人至於人民亦如之按國傳史古爲土番部落漢時羅馬
平英倫至今羅馬城闕遺趾尙存齊時羅馬軍退遂有北
狄蘇格二部據之是時餘民懼相脅乞援於日之薩索尼
之三部其一曰英吉利後爲國號遂克北狄破蘇格并其
全土分爲七國至唐時合而爲一王名厄北的嗣位名亞
非烈者仁智兼盡當時稱賢君云朱初丹王侵擾全土皆
爲所據後三世歸之英國亦越數載爲法北族酋威廉統

率舟師親駕征伐覆敗其軍遂王其國嗣君顯理第二攻
克阿爾蘭歸於一統後婚於法開疆拓土傑然稱雄其嗣
王約翰卽位性剛復侮教師教王怒棄絕其民民疾王王
懼納貢教王魁柄遂奪民日擾亂公卿議立大券強王署
尾著爲國典其子顯理第三是時薦紳始備再嗣義多亞
第一復克威勒士又克蘇格蘭旋爲布魯斯率眾拯救後
得自立如初明萬厯時君薨無子蘇王熱密斯與先王有
戚誼英人奉以嗣王位蘇遂與英倫合爲一國稱曰大英
明中葉時英人泛海覓新土得北亞墨利加腴土日漸開
墾遂成沃壤英人倚爲外府後因屢歲興戎軍精孔亟稅
餉倍於常額始行叛亂逐驅英官自立爲國英人屢戰不
克越入載乾隆四十七年南境始得聽其自立爲米利堅
國其餘北境至今尙爲英轄已而印度貿易日盛英富厚
過於昔時乾隆五十八年英與法交兵九載方和息未幾
法復率舟師進攻幸英師騰艫雲集其旅如林擁阻河道
不能進發大敗法於比利時之窩德祿始得宴安道光十
六年君薨無嗣立兄女維多利亞爲王卽
今在位之君也其詳細載在大英國志

通國分英倫蘇格蘭阿爾蘭三土英倫爲其本境也西界

稍有山嶺，平野居多，長一千五百里，闊一千二百里，總計之方約二十萬里，戶口二千六百萬，田土肥沃，農勤耕種，爲歐名國，河道不長，其大者東曰達迷斯恆比，西曰美爾塞，塞威內湖亦甚多，風景清淑，土分五十二府，東方有六，曰迷德勒塞，首邑名倫敦，乃京都也，建於河濱，中架鐵橋幾座，極其美麗，總計一千五百方里，戶口四百餘萬，甲於他都，無城郭，殿闕巍峩，規模閎鉅，離宮別苑，逶迤相屬，衙署屋宇，窮極華煥，庠序學校，輪奐雄麗，宮殿書院，文儒所萃，博物院，施醫院，養濟院，生靈園，皆景象繁華，工肆比櫛，商賈雲集，諸貨畢備，五方輻輳，內港通海，埔頭最大，帆檣

林立歲有列邦商船往來爲天下第一都會也。諾佛素佛黑德佛厄塞斯堪比日有大書院歲來學者二千學業之盛聲名遠播南方分爲九府曰根德內有港口甚寬戰艦修造於此檣立如林薩塞蘇勒八克斯烏爾德索美塞多塞的溫凡戰艦武備在彼修製所有艨艟咸薈萃焉哥奴瓦銅錫最富北方地形漸狹別一區宇分爲六府曰約克內通港口名黑爾市廛之中貨物咸備屬邑里的舌非製造羽毛利器運於各國蘭加斯德首邑名曼識特爲洋布薈萃之所外通港口名里味不運木棉者皆泊於此織成達至各國爲英第二埔頭威斯謀蘭岡比蘭達罕諾東北

蘭海口埔頭爲煤會產之所中央之府分十八支斯德德比諾定昂林哥內捨羅斯達佛多密爲陶人造磁器之所雷塞德魯德蘭亨丁敦諾但敦希耳佛窩塞德瓦威克屬邑比名罕所鑄鐵器盛於天下哥羅斯的阿斯佛有大書院肆名山業巴克比德佛英倫之西偏地形入海總名曰威勒士山嶺重疊爲英倫之後戶民之言語與英倫不同分十二府曰非林德敦比該拿文安勒塞美略內蒙疇美里拉德諾加的安本不羅該馬敦北勒諾加拉摩安海島甚多南曰日西額尼西壹里維的氣候平和遠客往來西北壹里曼土產磁器銅鐵錫鉛煤石鹽羽毛洋布利器

蘇格蘭在英倫之北、至長一千里、至闊五百里、總計之方
約二十萬里、戶口三百七十萬、迤南田土肥沃、岡陵寥落、
迤北之土、殊爲磽瘠、山嶺參差、河之支派不一、大者東曰
佛的帶堤、西曰哥來的、湖亦甚多、美麗雄壯、不可指數、地
分三十三府、南方十三府、曰壹丁不、首邑同名、街衢整潔、
萬厦雲連、爲北方大都會、海口利的、貿易頗盛、林利德、合
丁敦、北維克、比北勒、塞爾給、羅斯不、當非里、給古比、烏疴
敦、爾、拉拿、海口大埔、曰哥拉斯哥、爲洋布薈萃之所、貿
易與米利堅、西印度島、昌盛、稜非律、絲製細布、搭膊巾、最
佳、中央八府、曰發夫、京羅斯、加拉馬南、斯德零、所鑄鐵器、

登白敦、白爾的、佛法、海口曰敦底、洋布薈萃之所、斤加丁、
北方言語異於南方、分十二府、曰舌蘭、疍哥內二島、該內
斯、孫德蘭、羅斯哥馬的、奈爾內、慕來、邦弗、亞比頓、海口同
名、大呢、洋布右版、頗盛、音威內斯、亞及勒、彭的島、西方島
嶼甚多、總名希比利的島、氣候寒冷、五穀不登、民多漁業、
土產石、煤、鐵、磁器、呢羽、洋布、

阿爾蘭、在英倫之西、海港隔斷、別爲一島、至長一千里、闊
七百里、總計之方十一萬五千里、居民五百萬、地勢平原
寬廣、岡陵絕少、地多瀦澤、氣候綢繆、終歲花卉嫣然、草亦
蕃蕪、足爲牛羊牧芻之地、故呼之爲綠島、湖多秀麗、景亦

新奇河之支流甚多、其大者、東曰山能、地分四部、三十二府、東有連斯德、分十二府、曰都伯林、首邑同名、建於河濱、下接海口、水深便於泊船、貿易繁盛、景象豪華、樓貼東迷貼、西迷貼、維哥羅、威斯弗、幾爾給尼、加羅、幾爾代、京岡的、君岡的、郎拂、西有各諾的、分五府、曰力德靈、斯來谷、羅斯哥門、賣約、加爾威、南有門斯德、分六府、曰格來爾、里美黎、格黎、高爾克、窩德弗、的北拉黎、北有亞爾斯德、分九府、曰安德靈、斗尼亞爾馬、戴倫、倫敦德黎、託尼加、非馬那、加凡、摩那干、土產石、炭、煤、銅、鐵、錫、牲、布、等、其本國一切志略、俱載大英國志、

阿非利加州全志

阿非利加天下之第三州、天時地理人物爲最劣、其地炎
熇、難以遍歷、瀕海一帶尙能確悉、至其境內、漸能周知、茲
特就聞見所及、略述梗概於左、

文論

州內緯線自赤道北三十七度起、至赤道南三十五度
止、經線自中華北京偏西六十五度起、至百三十四度止、
州內東距蘇士新溝、紅海、印度洋、西接大西洋、
洋南有印度、大西洋之交流、北枕地中海、
州內長一萬八千里、闊一萬四
千里、總計之方四百三十億里、

質論

州內山嶺、人之經歷者頗少、其至大者、北曰亞大臘、在
巴巴黎、東曰亞白沙里、在亞北西尼、盧巴達、利溫斯敦、瓜
也里、全志

特蘭巴諸山，南曰雪山，斯尼伯克，西曰剛山，在蘇丹幾內亞之閒，加米隆在幾內亞，又有火山，州二島九，大者名德內黎，非在加內黎島之中。
州內自南至東北海濱，皆屬高原，地勢延袤，荒郊綿邈，北曰撒哈拉，爲地球沙漠之最，其餘埃及、努比阿、阿爾及里亞的波黎及州南次之。
州內海角曰崩，在突尼斯之北，斯巴的在摩洛哥之北，巴郎哥在撒哈拉之西，威的在塞內岡比之西，巴馬斯在幾內亞西南，尼鄂在公額之西，好望亞古列皆在炭哥洛尼西南，德加多在桑給巴之東，瓜達夫在亞德東北，島州外海島曰馬德辣，加內黎、炭威德、桑多美、非難德、阿森森三厄里那皆在大西洋，馬達加斯加、毛里西、塞舌勒、亞密蘭、羅得給、不爾奔哥、落索可達皆在印度洋。
州外之海，北方曰地中海，界於歐羅巴、東北曰紅海，界於亞西亞，有比寧、比發拉皆連大西洋，德拉哥通印度洋，泰比爾塞

蒙亞病亞
皆在南方

州外窄海

東南有莫三鼻

州內海峽曰巴白曼德在紅海

口曰巴拉大通連大西洋地中海

州內河之大者東北曰尼羅流於地中海西曰尼日塞

內加岡比賽勤疴蘭日流於大西洋東南曰三比西魯非

日林波波流

於印度洋

州內之湖曰當比在亞比西尼雜德在蘇丹尼亞西在

州之東南牙密在州南阿伯尼安薩維多里尼安薩但安

一龐威亞羅

尼阿薩等

州內地當赤道南北炎燄特甚瀕海之區猶為涼爽

域中更覺酷烈溽暑如蒸瘴癘流行水土甚惡陰雨時炎

威稍減至於晴

濟酷暑如故

州內地寶人多不悉所產者

不過金沙銀銅鉄水銀礪砂鹽等

州內草木難以備載有文采之木理極堅緻能入水土千年不朽迤北近海最爲豐饒穀一歲再熟大約海濱穀菓花卉無不具備草木藥材殊爲繁殖其域中人罕至未盡詳明

州內禽獸魚蟲之屬不可勝數獅性最躁猛悍異常象性頗馴徐行莖澤間山狸似麝大布如狼猩猩色黑其體雄健鳥王之毛羽黃猛與虎鬪豹犀駝罷野馬文采鹿屬紛繁鱣魚一族涵淹卵育者殊難計數鱗介毒物指不勝屈

政論

州內戶口約計二千億

州內教門不一或拜偶像或拜禽獸

昆蟲同教居多間有奉耶穌與猶太教

州內人多生番技藝平庸殊乏巧思

沿地中海一帶及歐羅巴蕃屬尙屬精良

州內北境古多名邦今皆同部東境沿印度洋之北同

族與黑人錯處東南皆黑人有葡萄牙埔頭南境銳入南

洋炭朴為歐羅巴東來必由之道有英吉利埔頭西境沿
大西洋之北海灣橫亘有英法與葡萄牙諸國埔頭中央
之北皆沙漠閒有回族南見壤土統計全土北多回部從
亞西亞轉徙而來東西南皆土番其人容極黝黑而性甚
蒙昧諸國多鬻為奴其地氣重濁人類頽愚判剖厯千萬
年敦龐如上古風氣不能自開歐羅巴人帆船周遍僅割
海濱一隅不能深入重地一洗山川之昏濁蓋以炎煖瘴
癘異土之人難堪其北土可以泊船者東方族姓已擇土
而居其東西南三面塊然可居者已有歐羅巴諸國建埔
其餘平坦與海相齊無凹凸彎環之勢港汊不深不能寄
棹亦難隨處登攀不能開拓者率由於此若由北方則平
沙數千里較涉海尤艱西南瘴癘由於昏蒙之未闢未必
地氣之獨劣也若能烈山澤而驅毒物誅草萊而播嘉種
穢墟且變為腴壤而惜乎番族無知能也近有大英智士
數年往來根究本州中地考知形勢與尼羅河源諸事至後申明

朝政州內朝綱或皇帝臨御或王公侯伯或酋長統攝或自立政或為藩屬

國州內之國分為六土北曰摩洛哥阿爾及里亞突尼斯
的波里總名巴巴黎東北曰埃及努比阿阿比西尼哥多

翻達夫，中日撒哈拉，蘇丹，西日塞內岡比，幾內亞，公額，東日亞德亞然，桑給巴，莫三鼻，索發拉，南日加弗勒里，那達爾，炭哥洛尼等，又有羣島，皆條分縷析焉。

摩洛哥國志

摩洛哥在阿非利加西北，緯線自赤道北二十八度起，至三十六度止，經線自中華北京偏西百十四度起，至百二十七度止，東連阿爾欺里亞，西距大西洋，南接沙漠，北界地中海，長一千八百里，闊二千八百里，總計之九十萬里，戶口入百五十萬，其地山巒橫列，沙漠環匝，土肥宜穡，農夫怠惰，氣候和平，人少疾病，盛夏酷暑，有海風可解，沙漠薰蒸，有峻嶺可蔽，湖河不多，棕櫚茂盛，禽獸充斥。